

...**N**a osnovi svojih iskustava iz djelatnosti pisanja i izdavaštva, kao i iz šire oblasti odnosa s javnošću, predlažem potencijalnom izdavaču da ovaj rukopis objavi kao knjigu, s obzirom na sljedeća zapažanja i ocjene.

- (1) Rukopis predstavlja korektno obrađenu, originalnu i aktuelnu problematiku, odnosno predmet proučavanja, koji uprkos velikom i nesumnjivom društvenom interesu, kod nas nije privlačio potrebnu pažnju istraživača.
- (2) Rezultati autorovog rada izloženi su na pristupačan i iscrpan način, solidnom žurnalističkom pismenošću, u adekvatnoj prezentaciji, tako da neće biti mnogo problema sa priređivanjem teksta za štampu.
- (3) Rukopis je uspješan rezultat savjesnih stručnih posmatranja i analiza, o čemu naročito govori meritorna, izričito povoljna ocjena doktorske disertacije Envera Demirovića.
- (4) Buduća knjiga bi mogla naići na znatno zanimanje kako šire, tako i specijalne čitalačke publike, studenata i stručnjaka sa područja sociologije, žurnalistike, političke istorije i bliskih društveno-naučnih disciplina.

Smatram da bi bilo dobro ako bi se u pripremama za štampanje rukopisa izmijenili elementi formalno-školskog strukturiranja sadržaja, možda spajanjem "Uvoda" sa prvim dijelom u jedinstveno naslovljeno uvodno poglavlje. Preporučio bih da se pri konačnoj redakciji teksta razmotre mogućnosti eventualnog sažimanja opšteterijskih razmatranja, a da se maksimalno naglase konkretni bosanskohercegovački slučajevi i primjeri. Želio bih, u tom smislu, podvući dragocjenost tabelarno sređenih podataka o medijskim jedinicama u Bosni i Hercegovini 1992.-1995., koji su dati u posebnom prilogu. Bilo bi korisno da se upotpune bibliografske bilješke date u rukopisu. Mislim da bi buduća knjiga na osnovi disertacije dr. Demirovića mogla nositi kraći i privlačniji naslov. Autoru bih sugerirao da ispita i isključi eventualna ponavljanja iz sličnih mjesta u njegovoj poznatoj, ranije štampanoj knjizi "Metode novinarstva" (DES, Sarajevo, 2000.).

Akademik prof. dr. Ljubomir Berberović